



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi  
(dum vixit) apud Erphordiam Turingiæ, Catechismus  
Catholicus, summam Christianæ institutionis III. libris  
succinctim complectens**

**Klinge, Konrad**

**Coloniae, 1570**

**VD16 K 1309**

An schisma trahere & sollicitare catholicum, an sit peccatum. tit. 200

**urn:nbn:de:hbz:466:1-29452**

vobis vno ore & corde Deum honorificare, &c. Cap. ad Gala. 5. dicit, Sectæ regnum Dei non consequatur, si idem est, extra aut intra Ecclesiam colere. Vt Christus vnum ouile, Ioan. 10. Credo vnam Ecclesiā Catholicam, vnum Deum, Ephes. 4. Non ergo idem est, extra aut intra Ecclesiam colere Deum. Pautus omnia reijcit, quæ non secum habent charitatem, id est, vnitatem, 1. Cor. 13.

*AD SCHISMA TRAHERE ET  
solicitare Catholicum, an sit peccatum.*

## TITVLVS CC.



PRIMO. Doctores sacri ex scripturis sacris docent, quod prædicatio & sollicitatio à fide & obedientia Romana, quæ erit ante nouissimum diem, est grauissimum peccatum, grauius idololatria, & grauius omni furto rei temporalis, grauius homicidio corporali. Primo, illa sollicitatio à fide Romanæ Ecclesiæ, & obedientia Romani imperij, à Paulo est prædicta, 2. Thessa. 2. Non veniet filius peccati, id est, Antichristus, nisi primū facta fuerit discessio, Et Christus, Matt. 24. Multi surgent pseudopropheta, &c. dicentes, Hic est Christus &c. Et Paulus 1. Tim. 4. Spiritus dicit manifestè, quod in nouissimis temporibus discedent quidam à fide. Ergo ergo illa prædicatio & sollicitatio ad schisma prædicta est. Sed est peccatum peius idololatria. August. lib. 1. cōtra Donatistas cap. 8. Ex illatis pœnis, grauitas peccati agnoscitur, idololatriam puniuit Deus gladio, Exo. 32. sed schisma inaudita plaga, id est, hiatu terræ, Num. 16.

Secundo, Peius peccatum omni furto rei temporalis, quia tollit gratiā acceptam in baptismo, quæ est nobilior omni re temporalis, Mat. 16. quā cōmutatio.

tem dabit homo, &c? Et facit redire omnia peccata dimissa, sicut contigit seruo nequam, Mat. 18. Et redit Sathan cum septem nequioribus se, Luc. 11. Et erunt nouissima peiora prioribus. Sic inquit Petrus 2. Pet. 2. Sollicitabunt & angustiabunt pios, sicut impij Noë ante diluuium, Gen. 7. & Loth in Sodomis, Gene. 19. Susannam, Danic. 13. Ioseph, Genes. 39. Erasmi in Psal. 13. Deterior est qui in schisma labitur, quàm qui impare viuit, & cæt.

Tertiò, quia homicidium priuat vita corporali, hæc autem salute ac vita æterna, Galat. 5. Sectæ regnū Dei non consequentur. Crucifixores vulnerauerunt pedes, manus & latus Christi, Math. 27. Psalm. 21. At sectæ scindunt & diuidunt corpus Christi mysticum in varias sectas. Deformat te secta, & odiosum Deo & hominibus facit, ac omnia opera tua, 1. Cor. 13.

Secundò inquirunt: Quomodò hoc poterit esse peccatum, abire & declinare à pessimis & malis hominibus, vt sunt sacerdotes, monachi & cæt? Subindè, Quid habent ampliùs Papistæ quàm nos? Habemus verbum Dei, vera sacramenta, cultum Dei & omnia: ad quid vestri indigemus? Sic enim olim obijciebant Donatistæ Augustino, At August. Epistola 50, inquit. Si vos adedò sancti estis, cur quotidie oratis in oratione Dominica Matt. 6. Dimitte nobis debita nostra? Et si etiam peccatores estis, cur fugitis & contemnitis peccatores, sicut Pharisæus contempsit peccatricem Lucæ 7? Si non reputatis vos peccatores, mendaces estis, 1. Ioan. 1. Si dixerimus quia peccatum non habemus, &c. Ad alterum argumentum inquit Augustinus videlicet: Etsi omnia habetis, & putatis omnia habere, id est fidem, sacramenta, &c. vnum tamen & potissimum non habetis, id est, vnitatem spiritus in vinculo pacis, Eph. 4. Quid prodest habere membra sana, si cor languidum est? Habetis baptismum, Eucharistiam, sed sine vtilitate, 1. Corinth. 13. Si habuero om-

nē &c. Augustinus Episto. 164. Non negamus vos nō habere sacramenta, sed hoc tantum rogamus, admodum nemus, deploramus quōd vtiliter non habeatis, dicitur rāte schismate. Nihil prodest quid habere, nisi iuste & vtiliter possideatur, &c. Exploratores terræ sanctæ, qui populum debebāt confortare, auertebant ipsum, Numer 14. Sic faciunt sollicitatores à Catholica veritate ad hanc separationem. Ad unitatem nemo respicit. Augustinus Epistola 156. Si angelus de celo veniret & diceret, suscipe partes Donati, anathema esset.

### CONCORDIA CUM CHRISTO

*& discordia cum Christiano, simul esse non possunt.*

#### TITVLVS CCI.

**M**ULTI dicunt, habeo Christum, credo in Christum, ideo saluus ero & iustus, non curo Papam, Ecclesiam, unitatem, &c. At Augustinus sermone 167. inquit Non potest concordiam cum Christo habere, qui discors est cū fratre Christiano, sicut & scriptura dicit, 1. Ioan. 4. Si quis dixerit Diligo Deum, & fratrem suum odit, mendax est. Qui enim non diligit fratrem suum, quem quotidie cernit ante oculos, Deum quem nō videt, quomodo potest diligere: Dicitur enim prouerbio: Si euanesces ex oculis, etiā ex corde statim euanesces. Obliuiscitur, quod oculis subtrahitur. Et hoc mandatum habemus à Deo, inquit Ioannes, vt qui diligit Deum, & vult habere Christum, saluus & iustus esse, vt quoque diligit & in unitate existat cum fratre. Concordiam esse in Christo &c. & tamen discordiam secticam cum proximo.